

# Pertahanan perpaduan depan cabaran politik, ekonomi negara

Oleh Profesor Ulung Datuk  
Dr Shamsul Anni Baharuddin  
bhrencana@bh.com.my



Yang di-Pertuan Agong, ketika merasmikan Sesi Pengajar Kelima, Persidangan Parlimen Ke-14, semalam, menyampaikan suatu titah mentafsir dengan cermat dan jelas maksud 'holistik', suatu perkataan sering digunakan dan didengar, namun masih belum jelas kepada rakyat kebanyakan.

Baginda menyentuh tiga tema besar, iaitu politik, ekonomi dan kesihatan. Dalam setiap tema itu baginda mengahului kandungan setiap satu dari segi undang-undang, dasar, pelaksanaan dan pemantauan.

Matlamat akhir semua ini adalah untuk mendirikan kesejahteraan dalam kalangan semua lapisan rakyat jelata daripada yang berada hingga yang miskin.

Dari segi politik baginda menyentuh wujudnya 'politik dwiparti' dalam pemerintahan kerajaan melalui memorandum persefahaman (MoU) yang ditandatangani pada 13 November 2021 berkaitan dengan transformasi dan kestabilan politik. Perkara ini sesuatu bersejarah dalam proses politik di negara ini. Walaupun pelaksanaan MoU dikatakan belum memuaskan, semua pihak terbahagi dalam MoU melihat kewujudannya menjadi tanda aras politik dan pemerintahan Malaysia semasa.

Dari segi ekonomi, titah Yang di-Pertuan Agong menyentuh isu ekonomi makro (yang berskala besar membabitkan wilayah, nasional, rantau malah global) dan ekonomi mikro (yang khusus berskala kecil, iaitu individu, isi rumah dan syarikat).

Kedua-dua aspek ekonomi ini mengakibatkan perhatian terhadap perilaku ekonomi jangka panjang, sederhana dan pendek. Semua disentuh dalam titah Yang di-Pertuan Agong.

Dari segi kesihatan, titah Yang di-Pertuan Agong terus memfokuskan impak COVID-19 dan tindakan menghindari pandemik ini yang dilaksanakan, khususnya melalui Pelan Pemulihan Negara (PPN) yang diatur mengikut fasa satu hingga empat, iaitu sehingga mencapai ke tahap endemik.

Dalam konteks kesihatan, baginda menekankan dengan jelas bahawa perlunya pendekatan holistik yang mampan apabila berhadapan dengan masalah yang besar ini.

Menurut tafsiran baginda, wujud kaitan rapat lagi bertindan lapis antara ekonomi, politik dan kesihatan yang harus ditangani serentak, bukan terpisah-pisal.

Menurut baginda, akhirnya pendekatan holistik ini bergantung kepada 'keterjarangan', lapisan jaringan dan usaha jaringan yang hidup berfungsi antara semua komponen proses sosial, pada paras individu, keluarga dan komuniti.

'Keterjarangan' atau holistik, inilah yang menjadi penekanan baginda dalam titahnya apabila baginda menyentuh cabaran ekonomi untuk M40 dan B40, termasuk soal kemiskinan, tempat kediaman yang daif, pendapatan, pengangkutan rakyat serta graduan dan kemudahan infrastruktur.

Rantaian bekalan (*supply chain*) juga baginda sentuh apabila membincangkan usahawan kecil dan sederhana, bukan hanya bekalan barangan tetapi juga suntikan modal, meluaskan peluang pemasaran dan kemudahan fizikal/ruang untuk golongan ini.

Pelaburan asing dan domestik menggerakkan pertumbuhan ekonomi negara menjadi fokus penting mengenai fenomena 'keterjarangan' baginda kerana limpahan daripada pelaburan ini bukan hanya memberikan peluang pekerjaan bertambah bahkan juga meningkatkan permintaan dan perdagangan antarabangsa dan domestik.

Limpahan daripada pelaburan ini seperti dalam industri agro, juga menyentuh penyelesaian masalah keselamatan makanan (*food security*), dari

'Keterjarangan' atau holistik, inilah yang menjadi penekanan baginda dalam titahnya apabila baginda menyentuh cabaran ekonomi untuk M40 dan B40, termasuk soal kemiskinan, tempat kediaman yang daif, pendapatan, pengangkutan rakyat serta graduan dan kemudahan infrastruktur



Perpaduan nasional perlu sentiasa dibina dan dipupuk bagi memastikan rakyat serta negara dapat terus menikmati kejayaan dan kesejahteraan pada masa depan. (Foto hiasan)